

1 Ang Dios Atun Pagdayawun

4/4 down G

(Doxology)

Ang Dios atun pagdayawun

Nga Anang mga tinuga;

Sa langit kag sa lupa man

Sa wara gid ti kataposan.

AMEN

2 Pamatii, Dios

4/4 down D

(Hear Our Prayer, O Lord)

Pamatii, Dios, amun pag-ampo,

Kag Imo isabtun amun pangabay.

AMEN.

John 15:7 Kon magapabilin kamo nga suud ang inyo kaang-tanan Kanakun, kag ang akun mga pulong nagapabilin man sa inyo mga tagipususom, pangayo kamo kang bisan ano nga gusto ninyo kag inyo dya mabaton

3 Balaan, Balaan

4/4 down D
(Holy, Holy, Holy)

Balaan, balaan, Dios nga gamhanan,
Simbahun ikaw kang mga pinili mo.
Balaan, balaan, Dios nga maluluy-on,
Tatlong Persona, Isara ka Dios.

Balaan, balaan, ginapadunggan Kaw
Kang tanan Mo nga pinili nga katawhan;
Sa Imong presensya gayaub kami,
Gamhanan Kaw kag Dios sa gihapon.

Balaan, balaan, Dios mahimayaun,
Ang imong himaya, sa tawo nalipdan;
Ikaw lamang, O Dios, kag wara ti liwan,
Himpit sa gugma kag pagkaputli.

Balaan, balaan, Dios nga gamhanan,
Ginabayaw gid Ikaw kang Imong tinuga;
Sa langit, sa lupa kag sa kadagatan,
Tatlong Persona, isara ka Dios.

4 Ang Dios Imaw Ta

3/4 Up D
(Surely the presence of the Lord)

Ang Dios imaw ta sa kadya gid nga oras,
Hay atun mabatyagun gid ang gahum Na;
Ang atun nga tagiposuon
Ana dya nga gintandug,
Ang Dios imaw ta sa kadya gid nga oras.

Ang Dios imaw ta rugya sa lugar nga dya,
Nagluntad ang paghidaet hay Tana rugya;
Nahamuut gid Tana kadya sa atun pagtiriripon,
Ang Dios imaw ta rugya sa lugar nga dya.

5 Katiringalahan ang Ngaran ni Jesus

3/4 up F
(His Name is wonderful)

Katiringalahan ang Ngaran ni Jesus,
Katiringalahan ang Ngaran Na.
Hari dya kang tanan nga Anang tinuga,
Katiringalahan nga Ginoo!

Kuro:

*Tana gamhanan,
Dios nga Manunuga
Ka dyang kalibutan;
Tana padunggan kag simbahun ta
Katiringalahan nga Ginoo!
(Liwan)*

6 Sa Kros si Jesus Nag-antos

6/8 down b flat
(Worthy is the Lamb)

Sa kros si Jesus nag-antos
Tungud kang atun nga sala,
Agud nga kita maluwas
kag hilway.

Tana takus magbaton kang tanan:
Manggad, dungug, kag kaaram;
Tana takus gid, Tana angay gid;
Tana atun nga dayawun
kag himayaun. (Liwan)

7 Atun dayawun Ngaran ni Jesus

4/4 down A flat

(Blessed be the Name)

Atun dayawun Ngaran ni Jesus,
Atun dayawun si Jesus;
Atun dayawun Ngaran ni Jesus,
Atun dayawun si Jesus!

Atun padunggan Ngaran ni Jesus,
Atun padunggan si Jesus;
Atun padunggan Ngaran ni Jesus,
Atun padunggan Si Jesus!
(Liwan)

8 Atun Padunggan Haring Langitnun

$\frac{3}{4}$ flat up A

(O Worship the King)

Atun padunggan Haring langitnun
Kang Anang tuman gid nga paghigugma;
Manug-apin natun, Dios sa gihapon,
Mahimayaun ang Ana nga presensya.

Kagamhanan Na atun isugid,
Ang Anang grasya atun ipabutyag;
Tana lamang ang Dios kag Manunuga,
Angay nga bayawun kag pag-alagadun.

Ang pagtatap Na wara gauntat,
Padayon gid dya nga ginaagum ta;
Ang hangin nga atun ginaginhawa,
Tubig, tun-og, init, Tana ang nagtuga.

9 Ang Bugay kang Dios Katingalahan

4/4 down C
(Wonderful Grace of Jesus)

Cristo Jesus, gugma mo indi matupungan
Hay ang bugay Mo tuman sa makasasala;
Amun tagipusuon Imo ginhugasan
Kang sala nga nagagapos gid kanamun.

Kuro:

S/A Ang bugay nimo, bugay nimo katingalahan

T/B Ang bugay nimo ka – ti – nga – la – han

S/A Gailig, nagailig nga Indi mapunggan;

T/B Gailig nga indi mapunggan;

S/A Gamhanan kaw kag ang gugma nimo bugana gid!

*T/B Indi gid malab'wan Imo kagamhanan,
gugma mo kanakun bugana.*

Tingub: *Ang mga sala ko ginpatawad (Nimo),
Kag ako imo nga ginhilway (kag ginhilway)
Pagadayawun Kaw kag padunggan, O Ginoo!*

Ang Dios gakabalaka sa Anang tinuga,
Kaluwasan gintugro sa mga nagtoo;
Kadya atun naangkun kabuhi nga dayon
Hay tungud nga maalwan ang Ginoo ta.

Maluluy-on gid ang Dios sa mga katawhan,
Kabuhi ko ginbag-o hay tana gamhanan;
Ang katawhay maagum kon Tana ang sarigan,
Sa mga nagtoo pat - ud kalangitan.

10 Jesus nga Maanyag

*4/4 Down F
(Fairest Lord Jesus)*

Jesus nga maanyag,
Manunuga kang tanan,
Dios Tana nga nagpakatawo;
Tana lang ang angay natun nga padunggan
nga Anang mga tinuga.

Ang mga katamnan
ginatatap man kang Dios,
kag dya sanda nami turukun;
Mas maanyag tana ang atun Ginoo
Indi gid Tana malabwan.

Ang sirak kang adlaw
kag banaag kang bulan
Nami gid ang andang kasanag;
Mas kasirilaw pa himaya ni Jesus
Sang sa tanan nga gasirak.
Amen.

*2 Corinto 4:6 Tungud nga ang Dios mismo nga nagkoon,
“Magsiga ang kasanag sa kadulum!” tana man ang nagtugro
kang kasanag sa amun tagipusuon agud mahangpan namun ang
himaya kang Dios nga makita kay Cristo.*

11 Atun nga Padunggan ang Dios nga Gamhanan

4/4 Down D

(Crown Him wiith many Crowns)

Atun nga padunggan ang Dios nga gamhanan,
Sa karantahun nga langitnun
Atun nga dayawun!
Tana himayaun
Sa kabuhi natun;
Hari nga indi matupngan
Anang kagamhanan.

Ginoo padunggan,
Tana ang Kabuhi;
Kamatayun Ana gindaug
kang tana mabanhaw;
Tana lang ang takus nga pagasimbahun,
Kang Anang mga pinili dya sa kalibutan.

Ang mga tinuga kang Dios nagadayaw,
nagakanta kang pagpasalamat sa Manunuga
kang langit kag lupa,
kang dagat kag tanan
nga dyan kananda karia,
“Dayawun Ngaran Na!”

12 Gamhanan Kaw nga Ginoo

*4/4 Up bflat
(How Great Thou Art)*

O Ginoo, akun natalupangdan
Ginhimo Mo nga katingalahan.
Gapahayag nga Ikaw gid gamhanan
Ang nakita ko sa kalangitan!

Kuro:

*Pagadayawun Kaw, O Ginoo!
Gamhanan Kaw! gamhanan Kaw!
Pagadayawun Kaw, O Ginoo,
Gamhanan Kaw nga Ginoo!*

Sa paglagaw ko sa may kakahoyan,
Mabatian mga kapispisan;
Kanami gid turukun kabukidan,
Kag ang hangin akun mabatyagan.

Nagpanghikot gahum kang Dios kanakun
Kang si Cristo akun nga naangkun;
Ginhugasan tanan nga kasal-anan,
Kag naagum ko ang kaluwasan.

Sa adlaw nga si Cristo magbalik run
Nagturuo sa langit Na dar-un;
Bug-os gid nga kalipay maaguman
Sa pagdayaw sa Dios nga gamhanan!

13 Indi Masaysay ang Akun Pagpasalamat 4/4 Down A flat (My Tribute)

'Di ko masaysay ang akun pagpasalamat,
O Ginoo ko, kang tanan nga Imo ginbuhat;
Gugma Mo ginpamatod-an gid,
Gani ako ginbugayan;
Tulad ako nagmadinarag-un, hay
Ginabuligan Mo.

Kuro:

Ang Dios pagdayawun!
Ang Dios pagdayawun!
Tungud kang Ana nga mga hinimoan:
Ang sala nahugasan
Kang dugo nga gamhanan;
Ang Dios pagdayawun,
kag Tana padunggan!

Kabay, O Dios, Ikaw mahamuut gid kanakun,
Ihalad ko Kanimo ang tanan nakun nga kadarag-an!

Ang sala nahugasan kang dugo nga gamhanan;
Ang Dios pagdayawun, kag Tana padunggan!
Kuda: *Kag Tana padunggan!*

14 **Matutum gid Ikaw**

*^¾ down eflat
(Great is Thy Faithfulness)*

Matutum gid Ikaw, akun Ginoo,
Wara ti pagliwan gid Kanimu;
Ang Imo nga kaluoy ‘gapadayon,
Kato anay kag tubtub gid kar-on.

Kuro:

*Matutum gid Ikaw! Matutum gid Ikaw!
Kaluoy Mo bag-o kada adlaw;
Gintugro Mo ang kinahanglan nakun ---
Matutum gid Ikaw, Dios, kanakun!*

Ang tagparanggas kag ang tag-arani,
Adlaw, bulan kag kabituonan;
Nagabuylog sanda sa pagpanaksi
Kang Imo nga gugma kag katutum.

Patawad kang sala akun naagum,
Pagtuytoy kag paglipay kanakun;
Kapag-un kag paglaum ‘gapadayon,
Akun dya nga tanan sa gihapon.

15 Dayawun ta si Jesus nga Manunubos

*2/2 up G
(Praise Him, Praise Him)*

Dayawun ta si Jesus nga Manunubos,
Isugid ang Anang paghigugma!
Dayawun ta hasta sa kahimayaan,
Anang Ngaran atun nga padunggan.
Matinatapun Tana nga Manugbantay
Sa bug-os natun nga pagkabuhi.

Kuro:

*Dayawun ta sa Anang pagkagamhanan;
Dayawun ta paagi sa kanta!*

Dayawun ta si Jesus nga Manunubos
Nga nag-antos para sa katawhan!
Tana paglaum kang atun kaluwasan,
Angay Tana nga pagadayawun.
Sa Anang gugma wara ti makatungkad,
Kabuhi Na Ana nga ginhalad. (Balik sa Kuro)

Dayawun ta si Jesus nga Manunubos
Kaimaw kang tanan nga tinuga;
Hari Tana sa wara ti kataposan,
Ginoos ta atun nga bayawun.
Anang pagbalik rugya sa kalibutan ---
Himaya Na makasirilaw gid! (Balik sa Kuro)

16 Sa Dios ang Pagdayaw

^¾ up eflat

(To God be the Glory)

Sa Dios ang pagdayaw atun itugro
Hay tam-an karaku Anang ginhimo;
Gugma Na kanatun 'di matupungan,
Paagi kay Cristo may kaluwasan.

Kuro:

*Dayawun kang tanan ang Dios nga Ginoo!
Padunggan kang tanan ang Ngaran ni Cristo!
Batunon Tana sa tagipusuon,
Kag ang kaluwasan imo maangkun.*

Hilway run kita nga katawhan kang Dios,
Kag dya natigayon paagi sa kros;
Atun nga sala Ana ginpatawad,
Bag-o nga kabuhi dugang nga saad.

Indi gid maisip ginhimo kang Dios,
Tana lang ang atun nga Manunubos;
Bug-os nga kalipay atun maagum,
Kon si Cristo sa langit makita run.

17 Padunggan ang Hari kang tanan

4/4 down A flat
(Majesty)

Padunggan ang Hari kang tanan!
Dya si Cristo, Ginoo, Manluluwas!
Simbahun ang Gamhanan nga Dios,
Magkinanta gid ang tanan nga tinuga!

Dayawun, himayaun Ngaran ni Jesus,
Dungganun kag balaan gid Tana nga Dios!
Padunggan ang Hari kang tanan,
Magkinanta gid ang tanan nga tinuga!
(Liwan halin sa umpisa)

18 Mahigmaun nga Dios

(Nga Akun Manugbantay)
(Thank you, Lord)

Mahigogmaun nga Dios nga akun manugbantay,
Tana nagapaumpaw kang akun kauhaw,
wara ti makatupung Kang Anang pag-atipan,
Ang gusto Na sundon ko nga may kalipay.

Kuro:

*Ginoo, akun Kaw pasalamatan
Kang tanan nga Imong mga ginhimo;
Gusto ko nga Ikaw akun mapahamuut
Sa kabuhi nakun --- malipay Ikaw.*

Wara ti kataposan ang Imong pag-atipan,
Akun paraabuton Imo nga makita;
Kag bisan kapipit-an ang akun ginaagyan,
Indi takun mahadluk imaw ko ang Dios!

19 **Atun Pasalamatan ang Dios**

4/4 up F
(Give Thanks)

Atun pasalamatan ang Dios ta nga gamhanan,
Ana dya nga gintugro si Jesu-Cristo!
Atun pasalamatan Jesus nga Manunubos
Kang Anang hinimoan rugto sa Kalbaryo!

Gani ang Dios pasalamatan
Kang tanan nga katawhan
Tungud kang Anang hamili nga gugma!
Gani ang Dios pasalamatan
Kang tanan nga katawhan
Tungud hay naangkun natun kaluwasan ta!
(Liwang halin sa umpisa)

20 **Dios, Kami Gagapasalamat**

¾ up F
(Thanks to God)

Dios, kami gapasalamat gintugro Mo si Cristo,
Tuman ang Imo nga gugma gatanyag kang kal'wasan.
Salamat, Dios, kang kaluoy kag bugay Mo kanamun,
Nga kami makapadayon sa pagsarig Kanimo.

Dios, kami gapasalamat kang Imo mga Pulong,
Nga amo ang nagagiya kon kami may problema;
Salamat kang Imong saad kon kami nagaluya,
Dya gid ang nagaparig-un kang amun baratyagun.

Dios, Ikaw nangin matutum sa amun panimalay,
Nga kami nagahangpanay kag nagabinuligay;
Salamat paghimuno Mo kinahanglanun namun,
Ikaw lang amun dayawun kag pagaalagadun.

21 Atun Pasalamatan ang Atun nga Ginoo

4/4 up G
(Rejoice, Ye Pure in Heart)

Atun pasalamatan ang atun nga Ginoo
nga tuman gid atun nga kakunyag sa tagipusoon!

Kuro:
magkasadya sa pagpasalamat!

Imaw kang mga anghel kag kang mga pinili,
Atun isinggit tuman nga kasadya sa atun pagdayaw!

Suldado kang Ginoo, indi magpakatalaw
Sa pagpakigbato sa kaaway ta ---
hasta mapyirde dya!

22 Ginoong Dios, salamat kanino

4/4 up

Kuro: *Ginoong Dios, salamat Kanimo,
Mga butang nga gintugro nimo;*

1. Salamat kang mga kalupaan,
mga kadagatan nga may kaisdaan. (balik sa kuro)
2. Salamat kang mga kakahoyan,
mga kasapatan kag kang kahanginan. (balik sa kuro)
3. Salamat kang mga kapispisan,
nagalupad-lupad sa may kahawaan (balik sa kuro)
4. Salamat kang init kag kang uran
nga nagapatubo kang mga katamnan, (balik sa kuro)
5. Imo tanan: pilak kag bulawan,
Kami imo lamang mga tinugyanan.
6. Kabuhi ko Imo nga ginbag-o,
Hay ginpalangga Mo, salamat, Ginoo.

*Kabuhi ko Imo nga ginbag-o,
Hay ginpalangga Mo, salamat, Ginoo.*

Kuda: *Darawayun ang Dios!*

23 Magpasalamat sa Atun Ginoo

4/4 down F
(*God is Good to Me*)

Magpasalamt sa atun Ginoo!
Hay Tana mayad;
Ana nga kaalwan
Wara't katubtuban.

Ang Ginoo ta akun kapagrus,
Kag Tana nangin akun kaluwasan;
Darayawun ang Dios! (Liwan)

24 Pag-isipun Ta Bugay kang Dios

2/4 down eflat
(*Count Your Blessing*)

Sa atun pangabuhi adlaw-adlaw
Duro pagtiraw atun masug-alaw;
Ang saad kang Dios atun gid sarigan
Nga kita indi Na gid pagpabay-an.

Kuro:

Pag - isipun ta bugay kang Dios
Nga naagum kay Cristo Jesus;
Pag-isipun ang mga bugay,
Dya bugana kag nagasaragahay.

Kon nagaagi ta kang kinawad – un,
Dumdumun natun nga ang Dios nagsaad
Kang manggad nga rugto sa kalangitan;
Indi makatumbas ang kalibutan!

Kon may kagamo sa atun kabuhi
Si Cristo Jesus atun nga turukun;
Tuman gid ang anang gugma kanatun;
Kag maaguman kalipay nga dayon.

25 O Ginoo, salamat gid

*$\frac{3}{4}$ down A flat
(Thank you, Lord for saving my soul)*

O Gimoo, salamat gid
Kang tuman nimo nga gugma,
Kag bugay mo nga bugana,
kag kal'wasan nga gintugro Mo.

26 Gasaragahay ang Bugay kang atun Dios

*$\frac{6}{8}$ up e flat
(He Giveth more Grace)*

Gasaragahay ang bugay kang atun Dios,
Kon makaagi ta kang kabudlayan;
Wara nagauntat ang Anang kaluoy,
Kon may magsampi nga mga pagtiraw.

Kuro:

*Gugma Na bugana, bugay Na gaawas;
Ang anang gahum indi matupungan;
Ang Ana nga manggad makita kay Jesus,
Wara gid gaubos, dyan sa gihapon.*

Kon nagabatyag kang mga kaluyahun,
Kag nagadura run paglaum natun;
Nga daw indi run gid kita makabutwa,
Bugay kang Ginoo nagatayoyon.

27 Katingalahan Bugay kang Dios

^¾ up G
(Amazing Grace)

Katingalahan bugay kang Dios
Ako Ana ginhilway!
Kato anay bulag tungud kang sala ko,
Tulad makakita run.

Nagsaad ang akun Ginoo
Sa Anang mga Pulong:
Pat-ud paglaum ko,
Tana akun taming
Hasta sa kataposan.

Duro nga mga kapipit – an
Akun nga naaguman;
Tuman bugay kang Dios
Sa oras nga tanan
Kag dya nagapadayon.

Efeso 2:7 Bisan pa nga patay run kita sa anang panuruk tungud kang atun pagkamalalisun, gintaw-an na kita kang bag-o nga kabuhi paagi kay Cristo. Tungud lang gid sa bugay kang Dios nga naluwas kamo.

Roma 3:24 Kag tungud gid lang sa anang bugay nga wara ti tupung kanatun. ginpakamatarung kita kang Dios paagi kay Cristo Jesus nga amo ang nagtubos kanatun.

28 Pulong kang Dios, Dya Manami

6/8 down G

(Wonderful Words of Life)

Gusto ko nga ikantahun
Ang Pulong kang Ginoo,
'Galaygay kag 'gapapag-un
kang akun pagtuo.
Dyang Pulong masarigan,
gatugro kahilwayan.

Kuro:

*Pulong kang Dios, dya manami;
gatugro bag-ong kabuhi;
Pulong kang Dios, dya manami
gatugro kabuhi.*

Sa balaan Na nga Pulong
si Cristo nagasaad:
ang atun nga kasal-anan
Ana ginpatawad;
Gintanyag Na ang langit,
Ang tanan makaambit.

Pulong kang Dios nga gamhanan
Atun gid nga tuohan;
Kon sa Ginoo magtugyan,
May kapahuwayan.
Sa sala mahugasan,
Gani may kaluwasan.

29 Ang Bibliya Pulong dya kang Dios

*4/4 up A flat
(The Bible Stands)*

Ang Bibliya, pulong dya kang Dios,
Buhi kag indi matupngan;
Mensahi Na ‘gapabilin dya nga matuod
hasta gid san-o.

Kuro:

*Ang Bibliya nagapabilin nga madinarag-un,
Indi malaglag ni bisan sin-o sa kalibutan,
Sanglit Pulong dya kang Dios.*

Ang Bibliya indi gid dya maguba
Kang kaaway kang Dios;
Gamhanan sang sa tanan nga ginsulat
Ni sin-o man nga tawo.

Tuohan ta kag tumanun
ang hambal kang Dios sa Bibliya;
Kag ang atun nga kabuhi
makapalipay sa Ginuo ta.

*Hebreohanun 4:12 a,b Hay ang Pulong kang Dios buhi kag
may gahum. Mas matarum dya sang sa espada nga darwa
ang anang surab nga nagadulot gid dya hasta sa gin-utlan
kang atun luta-lutahan kag utok kang atun mga tul-an.*

30 Pulong Mo Akun nga Tipigan

6/8 up E

(Thy Word have I Hid in my heart)

Ang Pulong mo akun sulo
sa akun nga aragyan
Nagatoytoy dya kanakun
nga magrayu sa sala.

Kuro:

*Pulong Mo akun nga tipigan
sa akun tagiposuon,
Nga maparayu ako sa sala,
Pulong Mo akun tipigan.*

Ang Pulong Mo matuod gid,
gapabilin gihapon;
Pat-ud nga masarigan dya,
kag indi gid magbalhin.

Gabii man ukon aga ginadayaw ko Ikaw,
Bug-os Mo nga pagpatawad akun dya naaguman.

*Hebreohanun 4:12 c,d Nagapanalupsup gid dya sa atun kalag
kag ispiritu kag maman-an na gid kon ano ang paminsarun
kag tinotoyo kang tawo.*

31 Bibliya Pulong Dya kang Dios

4/4

(Read your Bible)

Bibliya, Pulong dya kang Dios
Pulong kang Dios, Pulong kang Dios!
Bibiya, Pulong dya kang Dios,
Ibasahun ta.

*Ibasahun ta, ibasahun ta,
Bibliya, Pulong dya kang Dios
Ibasahun ta.*

Mangamuyo kita sa Dios,
Mangamuyo, mangamuyo;
Mangamuyo kita sa Dios,
Tana gamhanan.

*Tana gamhanan, Tana gamhanan;
Mangamuyo kita sa Dios, Tana gamhanan!*

32 Tana gid lang Makatugro Kinahanglanun Ta

$\frac{3}{4}$ up e flat

(Tune: To do the Father's will)

Ang Ginoo nga atun Dios nga ginaalagad,
Tana gid lang makatugro kinahanglanun ta;
Bugana gid ang Ana nga mga kamanggadan,
Kag Ana gid kita nga buligan.

Kuro:

*Pulong kang Dios atun gid dya masarigan,
Ang Ana nga saad pat-ud 'gakatuman;
Bisan duro ang problema 'galibot kanatun,
Ang Dios atun gid nga masarigan.*

Kitang mga Kristohanun, indi magpalibug
Kang atun nga mga kinawad-un adlaw-adlaw;
Ang kalipay mabatyagan kon si Cristo sundon
Kag kabuhi magmabinungahun.

33 Magsarig, Magtuman

^{3/4} Up F
(Trust and Obey)

Kon kita gasarig,
Ang Dios magabulig
Sa kabuhi natun gatipig;
Kon kita 'gatuman, kang kabubut-un Na
Gaimaw gid Tana kanatun.

Kuro:

*Ang kalipay atun maaguman
Kon kita gid kay Jesus magsarig, magtuman.*

Mga paraligban kag mga kagubot
Sa kabuhi natun mag-abot;
Dya tanan doraun kang Ginoo natun
Kon Tana ang atun sarigan.

Kon may kabug-atan, si Jesus sarigan
Tana gid ang magapamag-an;
Ang mga pag-antos, Pat-ud nga may balus,
Amo dya ang saad ni Jesus.

34 **Indi Mabudlay sa Dios**

*4/4 down C
(Nothing is impossible)*

Kuro:

*Indi mabudlay sa Dios,
Ang tanan mahimo Na;
Indi mabudlay sa Dios
Kon tuohan Pulong Na;
Pamatian ang Anang hambal
Nga wara ti mabudlay Kana;
Tana gid lang sarigan ta nga atun Ginoo,
Hay ang tanan gid nga butang
'di mabudlay sa gamhanan nga Dios!*

(3/4 up)

Mabasa sa Bibliya saad kang Dios,
Wara ti mabudlay Kana;
Tanan nga butang Ana dya mahimo,
Kon sarigan ta Anang pulong.

Ang pulong kang Dios atun dya nga angkla
Agud indi ta matiung;
Kita nga tawo may kaluyahun gid,
Saad kang Dios nagapabilin.

Dios Manunuga kang tanan nga butang,
Paagi sa paghambal na;
Ang tawo Ana man dya nga ginhimo,
Tana ang gamhanan sa tanan!

35 Tana gid Masarigan

4/4 down Aflat
(*'Tis so sweet to trust in Jesus*)

Nami si Jesus sarigan,
Hay Pulong Na gamhanan:
Saad Na nagakatuman,
Bagay nga sarandigan.

Kuro:

Atun nga napamatod-an
Tana gid masarigan;
Gani dapat magmatutum,
Sa pagtuo kay Jesus.

Gintun-an ko nga magtuo,
Ana ginbag-o ako;
Kalinung akun naangkun
Kag kalipay nga dayon.

Nami nga ako nagtuo
Kay Jesus nga Ginoo;
Tana suud nga amigo,
'gaonong tubtub san-o.

*Filipos 4:13 Makasarang ako sa pag-atubang kang
bisan ano nga kahimtangan paagi sa gahum nga ginatugro
ni Cristo Jesus nga amo ang nagapabakud kanakun.*

36 Sarigan ko ang mga Saad ni Cristo

*4/4 down bflat
(Standing on the Promises)*

Saad ni Cristo akun nga sarigan,
Tana 'gahari sa akun kabuhi;
Tana makaparig-un pagtuo ko,
Darayawun gid ang Ginoo!

Kuro:

*Sarigan ko ang mga saad ni Cristo nga Ginoo;
Sarigan ko ang saad kanakun kang Ginoo.*

Sa tunga kang pagtiraw kag katalaw,
Saad kang Ginuo wara gapaslaw;
Gamhanan gid ang Anang mga Pulong,
Gani indi takun matiung.

Paagi lang gid sa saad ni Cristo,
Nga higugmaun ako tubtub san-o,
Magapadayon ako nga mabakud,
Pag-atubang mga kalisud.

Adlaw-adlaw saad kang Dios sarigan,
Sa bulig Na indi takun mapukan;
Ana nga Pulong akun pamatian,
Kag akun gid nga tumanun dya.

37 Ang Handum Ko nga Magsuud

6/8 down C
(More about Jesus)

Ang handum ko nga magsuud
Kaangtanan ko kay Jesus;
Mabatyagan ko ang gugma
Kang akun nga Manunubos.

Kuro:

Handum ko magsuud
Akun kaangtanan
Sa akun nga Manluluwas
Nga naghigugma kanakun.

Handum ko man nga magdugang
Ang akun gid nga paghangup
kang Ana nga kabubut-un
Kag paano dya tumanun.

Akun pa gid dya nga handum:
Tana run gid ang maghari
sa kabuhi nakun nga dya,
Tana nga akun Ginuo.

*I Juan 2:28 Gani mga hinigugma ko nga mga kabataan,
magpabilin kamo nga suud ang inyo nga kaangtanan kay
Cristo, agud to nga kon magpahayag tana kang anang kao-
galingun may kaisug kita kag indi mamayha sa pag-atubang
kana sa anang pag-abot.*

38 Galumus-lumus ako kauna sa Sala

*6/8 down b flat
(Love Lifted Me)*

Galumus-lumus ako kauna sa sala,
Daw indi makasarang ako sa pagbutwa;
kag nabatian kang Dios ang akun panghakruy
Ginbuligan Na ako kag ginhilway.

Kuro:

*Gugma kang Dios, Gugma kang Dios,
Ana gintubos ako kang gugma Na;
Gugma kang Dios, Gugma kang Dios
Ana gintubos ako kang gugma Na.*

Gintugyan ko kay Cristo ang kabug-osan ko,
Sa Ana nga presensya mapabilin ako;
Ang akun nga kakunyag indi dya mamitlang;
Gani Tana lamang ang alagadun.

Kon ikaw nadulman pa kang imo nga sala,
Magdangup lang kay Jesus, Tana makaluwas;
Handa dya magpatawad, kon imo tuohan,
Tana lang ang imo nga Manluluwas.

39 Gugma kang Dios Ginpahayag sa Kros

*4/4 side C
(Above the Hills)*

Gugma kang Dios Ana ginpahayag sa kros
Kang si Cristo anda nga ginlansang;
Anang dugo amo lang ang makatinlo
Kasal-anan natun nga katawahan.
Gani dapat natun si Cristo dumdumun,
Kag ang anang mga hinimoan.
Tana lamang ang atun gid nga tuohan
Kag pasudlun sa atun tagiposuon.

Tungud nga tuman gid ang Ana nga gugma
Napukaw ang atun baratyagun
Anang Pulong atun dya pamalandongan,
Kag itanum sa panghuna-huna.
Magmatutum kita sa pagpangalagad
Sa Ginuo nga si Cristo Jesus;
Tana gid lang ang atun nga higugmaun
Hasta kita Ana darhun sa himaya.
Kuda: Hasta kita Ana darhun sa himaya.

*1Juan 4:9 Ginpakita kanatun kang Dios ang anang gugma
paagi sa pagpadara kang anang bugtong na Anak sa kalibutan
agud to nga paagi kana kadya makaangkun kita kang kabuhi
nga wara ti katapusan.*

40 Gugma nga Himpit

*4/4 d own Eflat
(O Perfect Love)*

O Dios, dya ang amun nga pangamuyo:
Nga ang gugma Mo magpabilin gid
Sa darwa nga Imo pagaitingbun,
Para gugma nanda magpadayon.

Itugro man ang bug-os nga kalipay
Sa magtiayon kadya nga tion;
Kalinungan itugot nga magluntad
Sa pagsugata kang kapipit-an.

Dios, Amay namun, ang gugma Mo himpit,
Pamatii ang amun pangabay;
Nga sa anda kadya pagpangabuhi
Mahimaya Ikaw kag padunggan. Amen

Efeso 5:22,23 Kamong asawa, tungud kang inyo pagtahod sa Ginoo, magpasakup kamo sa inyo bana, hay ang bana amo ang ulo kang anang asawa, pareho nga si Cristo ang ulo kang iglesya.

1 Juan 4:19 Nagahigugma kita tungud hay ang Dios ang una nga naghigugma kanatun.

41 Ginahigugma Ko Ikaw, O Jesus

4/4 up F

(My Jesus, I Love Thee)

Ginahigugma ko ikaw, O Jesus,
Akun nga mga sala ginsikway ko run;
Ikaw maluluy-on nga akun Manunubos,
Angay kag takus Ikaw nga paghigugmaun.

Ginoo, Ikaw gid akun padunggan,
Samtang nga dya pa ako sa kalibutan;
Kamatayun man ang akun ginaatubang
Ikaw sa gihapon akun higugmaun.

Rugto sa himaya magapadayon
Ang Akun pagdayaw kanimo, O Dios;
Sa akun kalipay wara ti makatumbas,
Gani nga Ikaw gid lang akun higugmaun

Mateo 22:27 Higugmaa ang Ginoo nga imo Dios sa bug-os nimo nga tagipusuon, sa bug-os nimo nga kalag, kag sa bug-os nimo nga panghuna-huna.

I Juan 4:21 Ang bisan sin-o nga nagahigugma sa Dios dapat man maghigugma sa anang isigka tumuluo. Amo dya ang sugo kanatun ni Cristo.

42 Gugma kang Dios

³/₄ up Eflat

(The Love of God)

Gugma kang Dios indi madag-an
kag indi dya matupungan;
Mataas pa sa kalangitan,
dalum pa sa kalalawran;
Palangga gid kang Dios katawhan,
gintugro Na si Cristo,
Para sala kang kalibutan
Ana mapatawad.

Kuro:

*Gugma kang Dios putli kag himpit,
Pag-un kag 'di marumpag;
Hasta san-o magapadayon -
Dya atun karantahun.*

Ang tinuig magataliwan,
kag ginharian malaglag;
Bisan pa nga tawo magsimba
Sa gintuga lamang kang Dios;
Anang gugma magapabilin
nga pat-ud sa gihapon,
Magapadayon nga marig-un -
dya atun karantahun.

Gugma kang Dios indi mamitlang
kang sin-o man nga tinuga;
Iindi gid dya sarang masaysay
kang sin-o nga manunulat;
Anang gugma indi matungkad
kag indi man malab'wan.
Makatiringala nga gugma -
dya atun karantahun.

43 **Gugma kag Dios tama gid dya kapag-un**

(The Steadfast love of the Lord)

Gugma kang Dios tama gid dya kapag-un,
Kaluoy Na atun mabatyagan;
Pagbugtaw ta sa aga atun makita
Ana kadya nga katutum sa atun kabuhi. *(Liwan)*

44 **Magsuud pa gid Kaangtanan ko Kanim**

4/4 down Aflat

(More Love to Thee, O Christ)

Dios, dya gid ang akun pangamuyo:
Magdugang ang gugma ko kanimo;
Dya ang akun handum,
nga magsuud pa gid
Kaangtanan ko kanimo.

Ginapangita ko ang kalinung
Kang akun gid nga tagipusuon;
Ang pangamuyo ko
nga magsud pa gid
kaangtanan ko kanimo.

Sa katapusan kang kabuhi ko,
O Dios, Ikaw akun nga dayawun;
Dya pangamuyo ko
nga magsuud pa gid
Kaangtanan ko kanimo.

Juan 14:15 Kag nagkuon pa gid si Jesus, “Kon ginahigugma ninyo ako, pagatumanun ninyo ang akun mga sugo...”

45 Ginhigugma Na Kita

3/4 down Aflat

(O How He loves you and Me)

Ginhigugma Na ako,
Ginhigugma Na ikaw,
Rugto sa kros, si Jesus nag-antos—
Ana ginhalad ang kabuhi Na,
Ginhigugma Na kita. (*Liwan*)

46 Ginhigugma kang Dios mga katawhan

(For God so Loved the world)

Ginhigugma kang Dios mga katawhan
Gani nga gintugro Na si Cristo
Para nga malowas
ang bisan sin-o nga magtuo. (*Liwan*)

*I Juan 4:14 Kami mismo nakakita, gani nagapamatuod kami
nga ginpadara kang Amay ang anang Anak para mangin man-
luluwas kang katawhan sa kalibutan.*

47 Makatiringalang Gugma

(Kumpuso)

Hay ginahigugma gid kang Dios
Ang tanan nga mga katawhan;
Ana ginpadara Bata Na,
Pagtubos kanatun sa sala.

Kuro:

*Makatiringalang gugma
Kang Dios kanatun tanan
Ana ginluwas kita sa atun kasal-anan;
Makatiringalang gugma
Nga indi matupungan
Bagay gid nga pasalamatan.*

Ano bay pagbalus ta sa Dios
Sa kadyang hamiling gugma Na?
Si Cristo atun nga batunon,
Nga Ginoo kag Agalun ta.

48 Ang Paskwa nag-abot run

(Kumpuso)

Ang paskwa nag-abot run, atun dya ginasaalog,
Nga si Jesus natawo rugya kadya sa may kalibutan;
Nanaog dya sa lupa kag tana dya nagpakatawo,
Para sa pagtubos kanatun sa atun nga kasal-anan.

Atun Tanan dya pamalandongan,
Mga katawhan dya sa kalibutan:
Nga Ana kita ginahigugma
kang gugma nga wara ti tupung.
(balik sa umpisa)

49 Paskwa ruman kadya

(Kumpuso)

Paskwa ruman kadya katawhan gasinadya,
Sa pagsaulog pagkatawo ni Cristo!
Atun mabatyagan ang pagpalanggaany
Kang mga tawo sa andang panimalay!

Maghirupay kita gid nga tanan,
Para nga ang Dios mahamuut kanatun;
Tuman gid Ana nga paghigugma,
Manluluwas gintugro Na!

50 Kabay nga Malipayun gid

Kabay nga malipayun gid
ang imo kadya nga paskwa
Kabay nga malipayun gid
ang imo nga paskwa!

Kabay nga malipayun gid
ang inyo kadya nga paskwa;
kabay nga malipayun gid
ang Inyo nga paskwa!

51 Ang mga Anghel sa Langit

4/4 side G

(Hark the Herald)

Ang mga anghel sa langit
nagkanta kang pagdayaw;
Hay ang atun Manluluwas
natawo sa Betlehem!
Atun run nga maaguman
bug-os nga kalinungan,
Hay ang Dios naghigugma
Cristo Jesus gintugro Na;
Atun gid nga padunggan
Ang Ginoo nga Hari. ta.

Si Cristo Jesus dayawun,
Tana atun Ginoo;
Nanaog rugya sa lupa
Pagtubos kang katawhan;
Dios Tana nga matuod,
Kag tana nagpakatawo,
Manlul'was kang katawhan
sa kadya nga kalibutan,
Atun gid nga padunggan
Ang Ginoo kag Hari ta.

*Lucas 2:13,14 ...nagadayaw sanda sa Dios, nga nagakoon,
“Padunggan ang Dios rugto sa kahitaasan! Kag rugya sa
lupa ang kalinung maaguman kang mga tawo nga anang na-
hamut-an!”*

52 Halin sa Langit

4/4 side F

(Down from His Glory)

Halin sa langit nagkunsad sa lupa
Ang Dios nga matuod ngaran Cristo Jesus;
Nagpakatawo, wara makilala,
Anak kang Dios -- atun Manunubos.

Kuro:

*Higugmaun ta kag simbahun ta
Atun Ginoo nga si Cristo;
Tana ang atun nga Manunuga,
Kag Tana atun Manunubos.*

Nagpaubus gid para Ana tubson
Tanan nga katawhan dya sa kalibutan;
Ana ginhalad ang Anang kabuhi,
Kag ang kal'wasan naaguman ta.

Filipos 2:8-9 Nagpaubus tana kag nagmatinumanun sa kabubut-un kang Dios tubtub sa kamatayun, bisan pa ang kamatayun paagi sa paglansang sa kamatayun sa kros. Tungud ka dya ginbayaw tana kang Dios sa kahitaasan, kag gintugroan tana kang ngaran nga labaw sa tanan nga mga ngaran.

53 Isugid Ta sa Katawhan

4/4 down e flat
(Tell Me the Story of Jesus)

Isugid ta sa katawhan
ang istorya ni Jesus:
Nga Tana nagpakatawo
rugya sa kalibutan.
Kang adlaw tana ginbata,
mga anghel nagkanta:
Pagdayaw sa Dios sa langit!
Kag magluntad ang kalinung!

Kuro:

*Isugid ta sa katawhan
ang istorya ni Jesus
Nga tana nagpakatawo
rugya sa kalibutan.*

Kang si Jesus gapoasa
rugto sa may disyerto,
Ang pagsulay naagum Na
kag gindaug Na gid dya;
Ang Ana nga inagihan
indi gid matupungan
Gintamay dya kag ginsikway
Kag andang ginpatumbayaan.

Ang pag-antos kang Ginoo
Indi natun maasoy;
Anda tana nga ginlansang,
Sa kros sa may Kalbaryo.
Bug-os ang Ana nga gugma,
ginhalad kabuhi Na
Para kita Ana tubson
sa atun nga mga sala.

54 Magkasadya ang Katawhan

2/4 down D

(Joy to the World)

Magkasadya ang katawhan,
Dya run ang Hari ta!
Ang gamhanan nga Dios,
Ana ginpadara
Bugtong Na nga Bata
dya sa kalibutan
Dya Tana ang atun nga Manluluwas!

Kalibutan, magsinadya!
Dya run Manlul'was ta!
Tana ka dya nagagahum
sa anang mga tinuga
Magkinalipay kita sa pagsaulog natun
Kang Anang pagkunsad rugya sa lupa.

Pinadara Tana kang Dios
Para sa paggahum;
Sa kamatuoran, kag sa kalinungan
Kang mga katawhan dya sa kalibutan
Hay Tana Ginuo gid nga gamhanan!

Lucas 2:10 Indi kamo magkahadluk! May mayad ako nga balita nga isugid kaninyo nga amo ang magatugro kang tuman nga kalipay sa tanan nga mga katawhan.

55 Mga Cristohanun, Dapat Magkalipay

4/4 up A

(O Come All ye Faithful)

Mga Cristohanun, dapat magkalipay,
hay natawo run ang atun Manluluwas!
Tana ang Hari kang tanan nga tinuga.

Kuro:

*Atun gid nga dayawun, si Cristo nga Ginoo,
Hay Tana gid ang atun nga Manunubos.*

Nagkirinanta angheles sa langit
Kag naghiringyaw sanda sa kasadya:
“Dayawun ang Dios rugyan sa kalangitan!”

Pasalamatan natun ang Ginoo,
Tungud kang gugma Na si Jesus gintugro
Ang kaluwasan atun run nga naagum.

*Luke 2:15 Pagkahalin kang mga angel kananda nga nagbalik sa
langit ang mga manugbantay tana kang karnero nagkinun-anay,
“Dali maadto kita sa Betlehem kag sulngun ang hitabo nga dya
nga ginpamaan kanatun kang Ginoo!”*

56 Pinasahi gid To nga Kagab-ihun

*4/4 down C
(O Holy Night)*

Pinasahi gid to nga kagab-ihun,
Kang matawo atun Manluluwas.
Lawid nga nadulman ang kalibutan
hay nagamhan dya kang kasal-anan;
Gugma kang Dios Ana dya ginpahayag
Gintugro Na bugtong Na nga Bata.

Kuro:

*Pagsimbahun si Jesus nga Ginoo,
Nanaog Tana sa lupa sa pagtubos
kanatun sa atun mga sala.*

Dios nagtudlo nga maghigugmaanay
Kita tanan nga mga katawhan;
Gin-bugras Na gapos kang kasal-anan
Kag kagamo Ana nga gintapna.
Dayawun ta kag atun himayaun
Kag padunggan Hari nga gamhanan!

Mateo 2:11 Kang pagsulud nanda sa balay, nakita nanda ang bata kag si Maria nga anang nanay. Nagluhod sanda sa pagsimba sa bata. Ginbuksan nanda ang andang mga regalo na bulawan insinso kag mahamot nga lana nga ginatawag mira kag anda dya nga ginhalad sa bata.

57 Ang Dugo lang ni Jesus

*4/4 down G
(Nothing but the Blood)*

Ang makatinlo lamang kang atun
nga kasal-anan,
Ang dugo lang ni Jesus
nga nag-agay rugto sa kros.

Kuro:

*Ang hamiling dugo kang atun Ginoo,
nag-agay dya sa kros,
para nga kita tubson Na.*

Tana makapatawad
kang atun nga kasal-anan;
Kon Tana ang tuohan,
kahilwayan maaguman.

Ang nami ta nga buhat
indi kaluwas kanatun;
Paagi sa pagtuo
kita pakamatarungun.

Hebreohanun 9:12 Si Cristo kisra gid lang nagsulud sa pinakabalaan nga lugar. Bukun ki dugo kang mga kanding o kun dugo kang tinday kang baka ang anang ginhalad, kundi ang anang kaugalingun gid mismo nga dugo. Kag paagi sa ginhimo na nga dya gintubos na kita hasta sa wara ti katapusan.

58 Ang Dugo ni Jesus may Gahum

4/4 up A flat

(Are you washed in the blood?)

Si Cristo Jesus bala gintuohan
Nimo nga imong manluluwas?
Ang sala nimo Ana nga hugasan
Kang anang hamili nga dugo.

Kuro:

*Ang dugo ni Jesus
may gahum maghugas kang sala!
Ginpaagay Na sa krus sa Kalbaryo
Para nga katawhan matubos!*

Pat-ud nga saad ni Cristo matuman
Nga tana magabalik liwan;
Ang mga nagturoo Ana bul-un
Kag sa langit sanda idarhun.

Tingohaun nga magmadrinarag-un
Paagi sa dugo ni Jesus;
Magmarig-un sa atun nga pagtuo
Kay Jesus nga Manluluwas ta.

Hebreohanun 9:14 Mas labi pa gid nga makalimpyo ang dugo ni Cristo, nga paagi sa Ispirito nga wara ti katapusan ginhalad na ang anang kaogalingun nga kabuhi bilang himpit nga halad sa Dios. Ang anang dugo sarang makalimpyo kang atun konsensya...

59 Gusto ko gid ibantala

*6/8 up Aflat
(Redeemed)*

Gusto ko gid nga ibantala
Si Cristo nga Manluluwas!
Tungud kang Ana nga kalooy
Ako Ana nga gintubos.

Kuro:

*Rugto sa kros
Nag-agay ang anang dugo;
Gani ako tulad nangin Bata kang Dios.*

Si Jesus akun nga Ginoo,
Tana gatoytoy kanakun;
Indi nakun gid dya mapunggan
Magkanta kang anang gugma.

Si Cristo Jesus akun Hari,
Tana lang akun tumanun;
Sundon ko anang kabubut-un
para mahamuut Tana.

60 Ginhalad ni Cristo Kabuhi Na

*6/8 up C
(I Gave my Life for Thee)*

Ginhalad ni Cristo kabuhi Na rugto sa kros,
Hamily nga dugo ginpaagay Na sa Kalbaryo.

Kuro:

*Kabuhi Na Ana gintugro Sa pagl'was Na kanimo;
Kabuhi Na Ana gintugro sa pag'uwas Na kanimo.*

Indi gid mamitlang ang pag-antos kang Ginoo,
Para makalikaw ang katawhan sa kalaglagan.

61 May Gahum sa Dugo

(There is Power in the Blood)

Malyag kaw nga sa sala mahilway?
Dyan gid ang gahum sa Ginoo.
Kag gusto mo dag-un ang panulay?
Dyan gid ang gahum sa dugo.

Kuro:

*May gahum, katiringalahan
Sa dugo ni Jesus;
May gahum katiringalahan
Sa mahal nga dugo ni Jesus.*

Malyag kaw nga ang bugal madura?
Si Cristo Jesus batunon mo;
Tana makapatawad kang sala,
Dyan gid ang gahum sa dugo.

Malyag kaw mag-alagad kay Cristo?
Itugyan Kana kabuhi mo.
Alagda Tana nga may katutum
Hay Tana Dios nga gamhanan.

62 Paagi sa ana nga kamatayun sa Kros

4/4 up E (At the Cross)

Gintugyan ni Cristo Jesus
Ang Anang kabuhi.
Tungud kang atun nga sala
Tana ang ginlansang.

Kuro:

*Paagi sa Ana nga kamatayun sa kros
Panghuna-huna ko nasanagan.
Gintuohan ko akun Manunubos
kag kaluwasan naagum ko.*

Anang kaluoy kag gugma
indi gid malabwan
Bisan ano kalain pa
akun hinimoan.

Indi nakun gid mabaslan
Ana nga ginhimo;
kabuhi ginahalad ko
sa akun Ginoo.

63 Sa Kalbaryo

4/4 down C
(At Calvary)

Kang ako wara pa kay Cristo,
Ang kabuhi ko 'di mapuslan;
Ang sala ang nagahugakum gid kanakun.

Kuro:

*Maluluy-on ang Ginoo ko,
indi matungkad Anang gugma;
Gin-ako Na kasal-anan ko sa Kalbaryo.*

Ang butang nga kalibutanun
akun run dya nga gintalikdan,
Hay kabuhi ko natugyan run sa Ginoo.

Pulong Na akun nga tipigan
sa akun nga tagipusuon
Akun dya nga pamalandongan kag tuohan.

64 **Buhi ang Akun Manluluwas**

6/8 up B flat
(He Lives)

Akun ginaalagad Ginoo nga buhi!
Rugya sa kalibutan Tana tulad kadya;
Ang Ana nga kaluoy kag ang paglipay Na
Akun dya ginaagum sa gihapon.

Kuro:

Buhi! Buhi! ang akun Manluluwas!
Kaimaw ko sa pagpanaw sa akun nga dalanun;
Buhi! Buhi! Pat-ud gid nga buhi!
Dya sa tagipusuon ko,
Jesus nga akun Dios!

Ang katutum ni Cristo napamatud-an ko,
Bisan may kabudlayan may karig-un ako;
Mga unos magsampi sa kabuhi nakun,
Ang pagbalik ni Cristo – paglaum ko!

Maghinugyaw kita nga mga Cristohanun!
Itugro sa Ginoo ang atun pagdayaw!
Manugtatap Tana kang tanan nga katawhan,
Mapinalanggaun gid kag maalwan.

65 **Buhi! Buhi**

(Alive! Alive!)

Buhi! buhi! ang atun Ginoo
Dya Tana sa atun nga tagipusuon
Buhi! Buhi! ang atun Ginoo,
Atun Tana nga pasalamatan.

Si Jesus atun nga Manluluwas,
Tuman ang Ana nga pagpalangga
Si Jesus atun nga Manluluwas, Tana dayawun ta!

66 Tungud buhi atun Manluluwas

*4/4 side beat Aflat
(Because He Lives)*

Tuman gugma kang Dios kanatun
gintugro si Cristo-Jesus;
Tana atun nga Manluluwas
Nga nag-antos para ang tawo maluwas.

Kuro:

*Tungud buhi atun Manunubos
Nga ginlansang rugto sa Kros;
May paglaum kita kay Cristo
Nga makita natun Tana sa himaya.*

Sa adlaw nga kita ibul-un
Kag sa langit Ana darhun
Bug-os gid ang atun kalipay
Tana kaimaw sa wara ti kataposan.

1Corinto 15:19, 20 Kon ang atun paglaum kay Cristo para lang sa kabuhi nga dya, kita gid ang makaluluoy sa tanan nga mga tawo sa kalibutan. Pero matuod gid nga nabanhaw si Cristo; tana ang una nga nabanhaw bilang pamatuod nga banhawun man ang mga nagkaramatay.

67 Si Jesus Mabalik Liwan

6/4 down C

(Jesus is Coming Again)

May ibalita kami,
Manami nga mensahi,
Hambal kang Dios nga Hari:
“Jesus mabaliik liwan!”

Kuro:

*Paabuton ta si Cristo,
Tana gid magabalik
Ang oras indi maman-an;
Gabii man ukon aga,
Mahimayaun gid dya nga tion:
Pagbalik kang Ginoo!*

Ang tanan nga tinuga
Makapamatuod gid,
Anda ginabantala:
“Jesus mabalik liwan!”

Sa Ana nga pagbalik
Naluwas Ana bul-un;
Pat-ud atun paglaum,
Jesus mabalik liwan!

68 Si Cristo Jesus Gahulat Kanimo

^{3/4} up F

(The Savior is waiting)

Si Cristo Jesus gahulat kanimo
Nga Tana tuohan mo.
Handa magpatawad bisan kay sin-o
Nga magabaton Kana.

Kuro:

*Buhay run ang hulat Na kanimo
Nga Tana imo tuohan;
Imo nga buksan tagipusuon mo
Kag si Jesus pasudlun.*

Kon imo batunon si Cristo Jesus
Nga imo manluluwas;
Ana nga haw-asun sa kabuhi mo
Ang tuman nga kadulum.

69 **Indi Mabaydan Kalauwasan** *6/8 Up* *(You can't buy a Ticket to Heaven)*

Indi mabaydan kaluwasan,
Ginbaydan run dya ni Jesus;
Tana lamang atun tuohan,
Ginhambal dya kang Bibliya.

Kuro:

*Si Jesus atun nga Manluluwas,
Dalan ginbuksan para sa tanan;
Indi mabaydan kaluwasan,
Magtoo lamang ikaw.*

Ang imo kaaram kag manggad,
Sa Dios wara dya ti pulos;
Aram kag kwarta di' kabayad
Kang iristaran sa langit.

70 Si Jesus Galuwas

^{3/4} up G
(Jesus Saves)

Dya mayad nga balita: “Si Jesus galuwas!”
Isugid kaluwasan sa mga katawhan;
Darha dya nga balita sa tanang kapungsodan,
Padayon sa pagtuman, dya sugo ni Jesus.

Atun gid nga isugid, “Si Jesus galuwas!”
Ang anang kamatayun nagtubos kanatun;
Kasubu madura run, kalipay ang maagum!
Kadarag-an atun run kag langit maangkun!

Iwaragwag sa tanan, “Si Jesus galuwas!”
Maghinugyaw ang tanan nga mga tinubos;
Hilway nga pagkabuhi kay Cristo maaguman,
Dios atun himayaun kag tana padunggan.

71 May Lugar bala si Cristo?

^{4/4} down C
(Have You any Room for Jesus?)

May lugar bala si Cristo
Sa tagipusuon nimo,
Nga nag-ako kang sala mo
Para maluwas ikaw?

Kuro:

*Si Jesus imo batunon
Sa tagipusuon mo;
Himoa tana Hari
Kang imo nga kabuhi.*

Gintaw-an nimo kang tyempo
kalipay sa kalibutan;
Ana tana kang Ginoo,
daw wara lang kanimo.

Indi run pagpalipasa,
Kahigayonan mo run dya
Nga magtuo sa Ginoo
samtang nga buhi kaw pa.

72 **Kada Adlaw Imaw Ko ang Ginoo** *4/4 up Eflat* *(Each Step I Take)*

Kada adlaw imaw ko ang Ginoo,
Tana gatuytoy sa kabuhi ko;
Pagadayawun nakun ang Ginoo,
Magakalipay sa pagtuo.

Kuro:

*Kada adlaw imaw ko ang Ginoo,
Nagauna gid sa kabuhi ko;
Hasta ako Ana nga pagabul-un
Kag sa langit Ana ako dar-un.*

Kon kaisa pagtuo ko galuya,
Hay duro ang akun nga problema;
Ginatugyan ko lamang sa Ginoo.
Kag ginapapag-un Na ako.

Nagasarig gid ako sa Ginoo,
Tana nagakaput kabuhi ko;
Bisan ano ang matabo kanakun,
Tana ang imaw sa gihapon.

73 **Buligan Na Ikaw**

(He will Carry You)

Bisan ano ka bug-at imong problema,
Ang atun Dios makasarang gid sa pagbulig;
Sa oras kang kalisud Dios gapabakud,
Sa oras kang kasubu, Tana galipay.

Kuro:

*Ginpas-an Na gani ang sala kang kalibutan,
Ikaw pa ayhan indi Na pagbuligan?
Ginpas-an Na gani ang sala kang kalibutan,
Ikaw pa ayhan indi Na pagbuligan?
(Liwan halin sa umpisa)*

Dangup kaw kay Jesus,
ikaw nga ginakapoy,
Kag makapahuway kaw.
(Liwan pa gid halin sa umpisa)

74 **Pat-ud ang akun nga Paglaum**

9/8 up D
(Blessed Assurance)

Pat - ud ang akun nga paglaum
Hay si Jesus akun run naangkun;
Tana ang akun Manunubos
Nga naghugas kang akun sala.

Kuro:

*Amo dya akun karantahun,
Kag dya ang akun panaysayun:
Nga si Jesus Manluluwas ko,
Pagadayawun sa gihapon.*

Ang pagtugyan kang kabuhi ko
Sa Dios, bug-os nga kalipayan ko;
Anang kaluoy, anang gugma
Nagapabilin sa gihapon.

Tawhay run akun kaangtanan
Kay Cristo Jesus nga Bata kang Dios;
Tana nagsaad nga mabalik,
Pat-ud nakun dya nga paglaum.

75 Kay Jesus Lamang Nasandig

^¾ up G
(The Solid Rock)

Kay Jesus lamang nasandig
paglaum ko kag pagsarig;
Anang dugo nga gin-ula
naghugas kag akun sala.

Kuro:

*Matutum si Jesu – Cristo,
Gapapag-un pagtoo ko;
Gamhanan gid nga Ginoo!*

Kon kalisdanan mag-abot,
kalalat-an, paghingabot;
Magkarapukan ang tanan,
Indi ako gid maiwan.

Pulong kang Dios masarigan,
Mga saad Na matuman;
Gani kita magtugyan lang
Para indi ta malingkang.

Hebreohanun 5:16 Gani nga indi kita magkahadluk magdangup sa Dios nga Hari nga maluluy-on, agud to nga makaagun kita kang anang kaluoy kag mabugayan na kita sa tion nga nagakinahanglan kita kang bulig.

76 Si Cristo Masarigan

4/4 F up

(I just keep trusting my Lord)

Si Cristo masarigan sa adlaw-adlaw,
Sa akun pagpahuway kag sa pagpanaw;
Sa tunga kang kabudlayan kag katalagman,
Si Cristo masarigan, wara gapaslaw..

Kuro:

*Tana matutum gid nga amigo,
Napamatod-an sa kabuhi ko.*

Sa tunga kang kabudlayan kag katalagman,
Si Cristo masarigan, wara gapaslaw.

77 Bata kang Hari

3/4 up e flat

(A Child of the King)

Ang akun Amay gapanag-iya
kang kamanggadan dya sa kalibutan:
Perlas, diamante, pilak, bulawan:
Ang anang manggad indi gid maisip.

Kuro:

*Ang Dios nga Amay ko, Tana ang hari,
Paagi kay Jesus, ako Bata kang Dios.*

Bugtong nga Bata kang Dios nga Amay,
Tana manluluwas kang kalibutan;
Nagpakaimol rugya sa lupa,
Kadya sa langit, nagahari Tana.

Andut nga akun ginaulikdan
Akun iristaran rugya sa lupa;
Rugto sa langit ang akun Amay
May ginaaman bulawan nga balay.

78 Gusto ko Gid Isugid

*4/4 up Aflat
(I Love to Tell the Story)*

Gusto ko gid isugid
Istorya ni Cristo:
Kon daw ano kanami
Ginhimo kang Ginoo
Akun napamatod-an
Nga Tana gamhanan
Ana nga paghigugma
indi dya matupngan.

Kuro:

*Gusto ko gid isugid
Gugma ni Jesus-Cristo;
dya akun karantahun,
hasta sa himaya!*

Gusto ko gid isugid
Ang ginhimo kang Dios:
Nga ang akun kabuhi
Gintubos na run sa kros:
Sala ko ginpatawad
Tungud kang pagtuo ko,
Naagum ang kalipay,
paglaum ko pat- ud.

Gusto ko gid isugid
nami nga Balita,
Pulong dya kang Ginoo
akun ginabantala
Bisan liwan-liwanun,
Nami pamatian;
Kay Cristo may paglaum
kag may kaluwasan.

79 Sundon ta si Cristo

*4/4 up b flat
(The Banner of the Cross)*

Ipakita natun sa kalibutan
Nagbalhin nga kabuhi;
Ang Ginoo atun nga ginasunod,
Tana ang atun Hari.

Kuro:

*Sundon ta si Cristo,
Ang Hari natun nga tanan.
Alagadun ta kang bug-os
sa tagipusuon ta.*

Bisan duro ang atun nga kaaway
Magtindug kang mapag-un;
Sa tanan nga oras magmangin handa,
Kag indi magpaluya.

Ipalapnag natun sa kapungsodan
Ang mayad nga Balita:
Si Jesus gid lang Manlul'was kang
Tanan nga mga nagturuo.

80 Magtuo kaw lang

*4/4 up G
(Only Trust Him)*

Maluluy-on Ginoo ta
sa makasasala.
Ang kasulhay maagum ta
kon Tana tuohan.

Kuro:

*Magtuo ikaw sa Ginoo,
magtuo kaw lang;
Lowasun ikaw sa sala mo
kon magtuo kaw.*

Ginhalad ang kabuhi Na
Para ikaw tubson;
Anang dugo makatinlo
kang kasal-anan mo.

Si Jesus and dalan
Paagto sa Dios sa langit;
Tana lang ang makatugro
kang kapahuwayan.

81 Sarig lang sa Ginoo

*6/8 down G
(Trusting Jesus)*

Sa tanan gid nga adlaw
Dios atun nga masarigan;
Sa atun kaluyahun
Darangpan ta ang Ginoo.

Kuro:

*Sarig lang sa Ginoo,
Sa tanan nga panag-on;
Tana lang makabulig
nga pagtoo ta magrig-un.*

Sa atun nga dalanun
Duro gid ang katalagman;
Dya atun pangamoyo:
O, Dios, kami tipigan mo.

Sa katapusan natun
Sa kadya nga kalibotan;
Ang paglaum ta pat-ud
Nga sa langit kita darhun.

82 Kabuhi Ta, Sara lamang Dya

¾ up E flat
(Only One Life)

Bisan kabantugan kag kamanggadan,
Atun maangkun dya sa kalibutan;
Wara gid ti pulos dya sa atun Dios,
Kon sikwayun ta si Cristo Jesus.

Kuro:

*Kabuhi ta sara lamang dya,
Ihalad ta dya sa atun Dios;
Himuslan kahigayonan
Pagtuman kabubut-un Na;
Nga mahamuut Tana,
Tungud sara lang kabuhi ta,*

Atun nga kabuhi bugu lang gid dya,
Indi mapaktan san-o kang Dios bul-un;
Tana lang alagadun nga may katutum,
Samtang nga kita nagakabuhi pa.

83 Magakabuhi Para kay Jesus

4/4 up F
(Living for Jesus)

Magakabuhi para kay Jesus,
Nga mahamuut Tana kang bug-os;
Magamatutum gid sa Ginoo,
Sa pag-alagad nga may pagtoo.

Kuro:

*Ginoong Jesus-Cristo,
Dya ang kabuhi ko;
Akun nga ginatugro
nga halad Kanimo;
Ikaw lamang, Ginoo,
ang alagadun ko,
Hay Imo man nga gintao
ang kabuhi Nimo.*

Magakabuhi para kay Jesus,
Tana ang akun nga Manunubos;
Gugma Na ang naghangkat kanakun
nga masugidan mga katawhan.

Magakabuhi para kay Jesus
Bisan pa nga may mga pag-antos;
Ang maaguman sa pag-alagdan
Akun gihapon pasalamatan.

84 Makalulooy ang Katawhan

*³/₄ up A flat
(Bibleless Tribe)*

Makaluluoy ang katawhan,
Wara kabasa kang Bibliya;
Kinahanglan nga maman-an da
Nga si Jesus ang Manluluwas.

Kuro:

*Dios nga Ginoo,
Dya ang kabuhi ko!
Handa ako sa pagtuman
Mga sugo Nimo.*

Indi natun gid pagbalehun
Ang pagsunod kay Jesu-Cristo;
Tana paglaum kang nagtuo
Nga maagum da ang kal'wasan.

Kon ang tanan run nga katawhan
Nakabati kang Pulong kang Dios,
Magabalik si Crsto Jesus,
Sugataun sa kahawaan.

85 Pagasundon Ko, Ikaw Ginoo

*4/4 up C
(I Have Decided)*

Pagasundon ko, Ikaw, Ginoo,
Pagatumanun kabubut-un mo,
Akun tuohan ang Pulong Nimo,
Sundon ikaw tubtub san-o.

Bisan ako lang sara, Ginoo,
Indi mahadluk hay nagatoo;
Sarigan ko gid ang saad Nimo,
Sundon ikaw tubtub san-o.

Mga butang dya sa kalibutan
Indi sanda kapugung kanakun;
Higugmaun ko Ikaw kang bug-os,
Sundon Ikaw tubtub san-o.

Malyag ikaw magsunod kay Cristo?
Tana matutum ta nga Ginoo;
Magaimaw gid tana kanimo,
Sundon Tana tubtub san-o.

Filipos 2:13 Tungud hay ang Dios amo ang nagapanghikot sa inyo mga kabuhi agud to nga maluyagan ninyo kag masarangan ang pagtuman kang anang tinutuyo.

86 Katingalahan gid nga Ako Ginpili Nimo

*4/4 Down Eflat
(Why Have You Chosen Me?)*

Katingalahan gid nga ako ginpili Nimo,
Naman-an Mo kabuhi ko;
Tanan nga kasal - anan Imo nga gintinloan,
Naangkun ko ang kaluwasan.

Kuro:

*Kabuhi ko, Dios, ginahalad kadya,
Himoon Mo nga alagad;
Sundon ko Imo nga kabubut-un,
Tumanun ko Imo pulong.*

Katingalahan gid ang gugma Mo Dios, kanakun.
Ako Imo ginkaloy-an;
Bisan 'di takus ako, ginpili Mo gid, O Dios
Kag Imo ako ginlubos.

Efeso 1:4,5 tungud hay ginpili na run kita nga daan tungud kang atun suud nga kaangtanan kay Cristo bisan sa wara pa matuga ang kalibutan, agud nga kita mangin balaan kag wara ti kasawayan sa anang panuruk. Tungud kang anang paghigugma kanatun ginpat-ud na run nga daan nga kita mangin anang mga kabataan paagi kay Jesu- Cristo. Amo gid dya ang nahamut-an nga himoon kang Dios kag anang kabubut-un.

87 Samtang Gabuhay akun

Pag-alagad

*3/4 down Aflat
(The Longer I Serve Him)*

Kang gintugyan ko kay Cristo
akun kabug-osan,
nagluntad gid ang katawhay
kag tuman nga kalinung sa kabuhi ko.

Kuro:

*Samtang gabuhay akun pag-alagad,
Gasuud pa gid amun kaangtanan;
Bug – os nga kalipay akun naagum,
Samtang gabuhay akun nga pag-alagad.*

Ang akun kinahanglanun
Ana ginhimun–an;
Ang grasya kang Dios bugana
Sa adlaw-adlaw nakun nga pangabuhi.

Sa akun pagpangalagad sa Ginoo nakun,
Tana lang makapasanag kang
panghuna-huna ko kag baratyagun.

88 O Dios, Gamita akun Kabuhi

*6/4 down C
(Make me a Blessing)*

Duro galuya kag gakasubu
rugya sa kalibutan;
Atun sugidan nga si Criato lang
Makatugro kalipay.

Kuro:

*O Dios, gamita akun kabuhi
Paraagyan kang gugma Mo;
Nga ang nadulman tungud kang sala,
Makaagum man kang kaluwasan.*

Atun isugid gugma ni Cristo,
Kag Anang pagpatawad;
Kon ang kabuhi natun nagbag-o,
sanda man magatuo.

Magmaalwan, magmahigugmaun
Pareho sa Ginoo;
Buligan ta ang makaluluoy,
kag matuman handum ta

89 Ang Pangabuhi kang Nagaalag-alagad sa Dios *(kumpuso)*

Ang pangabuhi kang nagaalagad sa Dios
May mga kabudlayan kag mga pag-antos;
May mga tion kang kalipay,
may tion man kang kasakit,
Gani kinabubut-un bukun ti pirit.

Kuro:

*Sin-o gid kaninyo,
Ang handa kag gusto
Magsunod kay Cristo
nga bukut pakono-kono;
may mga tion kang kalipay
may tion man kang kasakit
Gani kinabubut-un bukun ti pirit.*

Kon magaabot ang tion nga mapiut,
Kag haros indi mabaton mga kagubot;
Indi pagduraun ang inyo pagsarig sa Ginoo,
Hay Tana nagabulig sa tumuloo.

Sa atun pagpadayon sa pag-alagad,
Indi natun paglipatan ang Anang saad;
Magabalik Tana kanatun
agud Ana kita bul-un
Para padya sa langit atun mabaton.

90 Ipaalinton Ta sa Katawhan

up b flat

(Seeking the Lost Ones)

Ipaalinton ta sa katawhan
Nga palangga gid sanda kang Dios;
Ana gintugro Bugtong nga Bata
Si Cristo dya nga Manluluwas.

Kuro:

bass *Gani kita magboroyloganay*
S,A,T *gani kita gani kita magboyloganay*

Bass *sa pagsugid kang ana nga Pulong*
S,A,T *Sa pasugid kang Pulong Na, Pulong Na.*

Bass *Mabatyagan tuman nga kalipay*
S,A,T r *Mabatyagan tuman kalipay*

Bass *sa pagsunod kang sugo ni Jesus.*
S,A,T *sa pagsunod kang sugo, sugo ni Jesus.*

Dapat atun gid nga kabalak-an,
Higugmaun ta ang nadulman
Nga katawhan dya sa kalibutan
nga kang sala ginauripun.

Lucas 15:10 Sugidan ko kamo, amo man ria sa langit, sobra gid ang andang kalipay rugto tungud kang sangka makasasala nga naghinulsel sangka kasyaman kag syam nga matarung kag indi run kinahanglan nga maghinulsul.

91 Dios gid lang ang Kabuylog Nakun

¾ up E flat
(Day by Day)

Sa adlaw-adlaw nga nagaligad,
May baskug ako nga gamitun;
Sa akun pagsarig sa Ginoo,
‘Di ako dapat magkahadluk.
Ang gugma Na nga wara ti tupung
Gasabat kang kinahanglanun;
Sa akun kalipay kag kasakit,
Dios gid lang ang kabuylog nakun.

Ang Ginoo marapit kanakun,
Gatugro kang Ana nga bugay;
Tana ang gabulig kag galipay,
Darangpan ko kag manuglaygay;
Nagsaad nga Tana magaaamlig
Kang akun manggad kag kabuhi;
“Indi kaw dapat nga magkahadluk,”
Dya ang Ana saad nga buhi.

Buligan mo gid ako, Ginoo,
Sa akun mga kasakitan,
Nga sarigan ko ang Imong saad –
May pagtoo nga ‘di maglubad.
Sa akun kabudlay kag problema,
Ginoo, ikaw lang magbulig;
Indi Mo ako gid pagpabay-an,
Tubtub nga saad Mo matuman.

92 Pat-ud Ngaran ko Lawagun

4/4 up A flat

(When the roll is called up yonder)

Sa tion nga maghuni run ang budyong kang Ginoo
Patimaan maabot run si Cristo;
Sa gahum kang Ginoo ang naluwas magtiripon
Andang ngaran sa langit paglawagun.

Kuro

Pat-ud ngaran ko lawagun

Pat-ud ngaran ko lawagun

Pat-ud ngaran ko lawagun

Hay si Cristo akun run nga nabaton.

Banhawun tanan nga nagkaramatay nga kay Cristo
Sabnitun ang naluwas nga nagtuo;
Kag ang Anang tinubos
Sa langit Na tiripunon,
Andang ngaran sa langit paglawagun.

Magmatutum gid kita mag-alagad sa Ginoo,
Kag isugid ta ang gugma ni Cristo;
Kag kon ang kamatayun magaabot run kanatun,
Atun maagum kalipay nga dayon.

1 Tesalonica 4:16 Hay sa oras nga ang Ginoo mismo mag-panaog halin sa langit, mabatian ang sangka matunog nga pagmando kag ang limug kang nagapanguna nga anghel, kag mabatian man ang huni kang trumpeta kang Dios. Dayon ang mga nagkaramatay nga nagturoo kay Cristo mabanhaw anay.

93 Ang Handum ko, Ginoo

4/4 down C
(Just a Closer walk with Thee)

Sa akun kaluyahun,
Tugroan ako, Ginoo
Kabaskug nga madaug ko
pagtiraw sa kada adlaw.

Kuro:

*Ang handum ko, _____ Ginoo:
Magsuud ako Kanimo;
Kon Ikaw kaimaw ko,
may katawhay sa kabuhi.*

Kuda: *May katawhay sa kabuhi.*

Sa kalibutan nga dya
duro sablag sa kabuhi;
Sin-o lang kadampig nakun?
Ikaw lamang, Ginoo ko.

Kon ang adlaw mag-abot
nga kabuhi tapos run,
Toytoyiko, Ginoo,
hasta sa imong himaya.

Juan 15:4 “Magpabilin kamo nga suud ang inyong kaangtanan kanakun, kag ako magapabilin man nga suud ang akun kaangtanan kaninyo. Hay ang sanga indi makapamunga sa anang kaogalingun lang kon wara dya naangut sa puno. Kamo amo man karia, indi kamo makapamunga kon wara nagapabilin ang inyo kaangtanan kanakun.”

94 Si Jesus Atun darangpan

4/4 down F
(What a Friend)

Si Jesus atun darangpan
Ang sala ta ginpasan-an;
Ang tanan nga kabug-atan
Itugyan natun Kana,
Kon kita gapangamuyo
Kalinung mabatyagan,
Kag atun tagipusuon
Pat-ud nga mahaw-asan.

Sa tunga kang kalisdanan
kag mga paraligban,
Indi gid magpakaluya
hay may Dios nga darangpan;
Ang Ginoo ta matutum
masarigan gid natun,
Tana ang magaparig-un
Kang atun baratyagun.

Kon gaantos sa kasakit
kag dughan daw malumus,
Bulig atun kinahanglan,
magdangup lang kay Jesus;
Kon wara ti may 'gaunong
Ang Ginoo matutum,
Tana atun Manluluwas
Gatugro kang paglaum.

95 Si Jesus akun Amigo

*4/4 up F
(The Lily of the Valley)*

Si Jesus akun amigo nga indi matupngan,
Tana pinakalabaw gid sa tanan;
Tana lamang makahugas kang kasal-anan ko,
Kag magtinlo kang tagipusuon ko.
Sa akun nga kasubu Tana manuglipay,
Gakabalaka sa akun problema.

Kuro:

*Si Jesus akun amigo hamili sa tanan,
Tana ang kasanag sa kabuhi ko.*

Ang akun mga kapung-aw Ana nga ginhaw-as
Kag ginapabakud baratyagun ko,
Akun run nga gintalikdan mga sala nakun
Kag Tana run ang akun ginasunod.
Kon ang mga katawhan magsikway kanakun
Si Jesus darangpan ko sa gihapon.

Saad ni Cristo kanakun, ako tatapun Na,
Kag indi Na gid ako pagbayaan;
Sa tunga kang katalagman ako tipigan Na,
Kinawad-un ko Ana man himun-an;
Pat-ud akun paglaum nga Tana makita
Rugto sa Anang himaya nga dayon.

*Juan 15:14,15 “Kag kamo mga amigo nakun kon nagatu-
man kamo kang akun mga sugo kaninyo. Wara ko run kamo
ginatawag nga mga suroguon ... Sa baylo ginatawag ko run
kamo nga mga amigo hay ang tanan nga ginsugid kang Amay
kanakun ginpamaan ko man kaninyo.*

96 Si Jesus ang Darangpan

3/4 up eflat

(Turn your eyes upon Jesus)

Kapoy kaw bala kag maluya?
Nadura run paglaum mo?
Turuk lang ikaw sa Ginoo,
Tana lamang darangpan mo.

Kuro:

*Si Jesus ang darangpan
sa oras kang kapipit-an;
Tana lang kadya makapamag-an
Ano man imo ginapas-an.*

Ang kamatayun gindaug Na
Kang si Cristo nabanhaw run;
atun nga naagum kadarag-an,
kag ang kabuhi nga dayon.

Wara gapaslaw Pulong kang Dios,
Saad Na nagakatuman;
Ibantala ang kaluwasan
Sa katawhan nga nadulman.

Hebreohanun 12:2 Kay Jesus lang natun isintro ang atun panghuna-huna hay tana ang ginhalinan kang atun pagtuo kag tana man ang magahimpit ka dya. Tungud kang kalipay nga nagahulat kana ginbatas na ang kamatayun sa kros kag wara na sapaka ang kahuruy-anan. Kag kar-on nagapungko tana sa tuo nayon kang trono kang Dios.

97 Imo Ako Apinan sa mga Kaaway

³/₄ up A flat

(All the Way my Savior Leads Me)

Bisan pa ako magpanaw
sa tunga kang kagamo,
Indi gid Ikaw magbiya
kundi buhiun ako;
Iuntay mo sa pag-amlig
alima mong gamhanan,
Kag Imo ako apinan sa mga kaaway ko,
Kag Imo ako apinan sa mga kaaway ko.

Sa tunga kang dalanun ko
gatuytoy ang Ginoo;
Tana akun manuglipay
kag akun manuglaygay.
Bisan may mga kabudlay
Tana nagaagubay.
Tana man ang nagabantay
sa akun pagpahoway.
Tana man ang nagabantay
sa akun pagpahoway.

Sa tanan nga dalanun ko
Gugma Na mabatyagan;
Himpit Na nga paghidaet
Ang saad Na kanakun;
Sa akun nga pagtaliwan
sa kalibutan nga dya,
Sa wara ti katapusan
Dya akun karantahun
Sa wara ti katapusan
Dya akun karantahun.

98 Si Jesus ang Bato nga Darangpan Ta

4/4 up F
(A Shelter in the Time of Storm)

Ang Ginoo darangpan ta
kon may unos nga magsampi;
Indi dapat magkahadluk
Tana ang paralipdan ta.

Kuro:

*Si Jesus ang Bato nga darangpan ta
Sa oras kang katalagman;
Si Jesus ang Bato nga darangpan ta
Indi dapat magkahadluk.*

Sa adlaw ukon gabii,
Si Jesus ang taming natun;
Kon Tana ang kaimaw ta,
kaaway indi kasurong.

Ang kaaway di kadutdut,
manug-apin ta si Jesus;
Handa Tana sa pagbulig,
Tana ang atun darangpan.

99 Ang Ginoo nagasabat kang pangamuyo ta

(I know the Lord will answer all my Prayer)

Pat-ud gid nga ang Ginoo natun,
Nagasabat kang pangamuyo ta.
Kon kita nagasunod kang anang kabubut-un
Ginasabat Na pangamuyo ta.
(Liwan)

100 **Isara lang Kita**

2/2 up A flat
(*We are One in the Spirit*)

Isara lang ang Dios nga nagluwas kanatun
Kag nagapanghikot sa atun tagipusuon;
Gani nga kinahanglan maghugpong kita tanan,
Maghigugmaanay kita kag magbinuligay,
Kag indi kita gid magsirinoay.

Kon nagasirinanto ang atun baratyagun,
Kag nagahirituhog ang atun panumduman;
Mabakud nga panaksihun dya sa kalibutan,
Nga kita Cristohanun kag nagahigugma,
Hay ginakabuhi ta Pulong kang Dios.

Sa atun pagbantala kang Mayad nga Balita
Dumdumun ta kag himoon tungud kang gugma;
Indi magpaindis-indis kag mag-irinaway
Maghigugmaanay kita kag magbinuligay
Mangabudlay nga nagaboyluganay.

Dayawun ang Balaan nga Amay sa langit,
Dayawun si Cristo kang Anang gugma nga himpit,
Dayawun man natun Balaan nga Ispirito,
Nga amo ang nagapanghikot kanatun tanan
Nga nangin sara lang nga katiringban.

101 **Emmanuel**

4/4 up
(*Emmanuel*)

Emmanuel, Emmanuel,
Ang Ngaran Na Emmanuel;
Atun Dios, kaimaw natun,
ang Ngaran Na Emmanuel! (Liwan)

102 Magtuo kay Jesu-Cristo

4/4 F up
(Believe on the Lord Jesus Christ)

Magtuo kay Jesu-Cristo,
Nga imo nga Manluluwas,
Imo Tana nga pasudlun
sa kabuhi mo. (Liwán)

103 Ecclesiastes 12:1

(Dumduma ang imong Manunuga)

Dumduma ang imong Manunuga
Samtang ikaw pamatan-un pa,
Sa wara pa mag-abot ang kahul-anan -
Ang adlaw mag-abot nga magkoon kaw,
“Wara! Wara dya tanan ti kapuslanan!” (Liiwan)

104 Si Jesus Ginoo

4/4 side G
(He is Lord)

Si Jesus Ginoo;
Nabanhaw sa minatay
Hay Ginoo.
Simbahun Tana kag alagadun
Hay tana Ginoo.
(Liwán)

105 Ang Dios Gamhanan

(My God is so Big!)

Ang Dios gamhanan!
mabaskug, mapag-un,
Tanan - Ana dya mahimo.
(Liwan)

Ang kapatagan, kabitoonan,
Kabukidan, ginhimo Na.

Ang Dios gamhanan!
Mabaskug, mapag-un
Tanan - Ana dya mahimo!
(Liwan halin sa umpisa)

106 Malipayun

(Kumpuso)

Malipayun ang mga tawo
Nga wara nagasunod
Sa laygay kang makasasala
Ukon gaagi sa aragyan da.
Ang andang kalipay
naghalin sa Pulong kang Dios,
Kag sanda gapamalandong
sa adlaw kag gabii.
(Liwan)

107 Dya nga Adlaw

4/4 down F

(This is the Day)

Dya nga adlaw,
Ginhimo kang Dios,
Tana dayawun,
Nga may kalipay
Hay dya nga adlaw
Tana dayawun
Dya nga adlaw,
ginhimo kang Dios.

Dya nga adlaw
ginhimo kang Dios
Tana dayawun
Nga may kalipay
ginhimo kang Dios
nga may kalipay;
dya nga adlaw

(Liwan)

108 Palanggaun Mo ang Dios

(Mateo 22:37)

Palanggaun mo ang Dios
sa tagipusuon,
Sa bug-os nga kalag,
sa imong kabaskug,
kag sa imong panghuna-huna. (Liwan)

109 Mayad gid ang Dios

(God is so Good)

Mayad gid ang Dios,
mayad gid ang Dios,
mayad gid ang Dios
Kanatun tanan. (Liwan)

110 Si Jesus Imaw Ko

^{3/4} up D

(Constantly Abiding)

Tuman nga kalipay sa tagipusuon,
Hay Dios gabantay kanakun;
May mga kasakit kag mga kabudlay,
Pero si Cristo gaagobay.

Kuro:

Si ----- Jesus imaw ko ----- adlaw----- adlaw
Si Jesus imaw ko, si Jesus imaw ko adlaw-adlaw, sa adlaw-adlaw
Gani-----tana a-----kun gi ---na---- da ----- yaw;
Gani tana akun, gani tana akun ginadayaw, ginadayaw;
In----di Na pag pa - bay - an,----- Dya anang saad,
Indi Na gid, indi Na pagpabay-an Dya Anang, Anang saad
Tana magatuytoy-----sa gihapon.
Tana maga --- magatuytoy sa gihapon.

Kalinung naghari sa akun kabuhi,
Hay si Cristo akun hari;
Gani Tana akun nga pagapadunggan,
Kag akun nga pagadayawun.

Bisan may problema dya sa kalibutan,
Ginoo akun darangpan;
Sa paraabuton Ako Ana bul-un,
Kag sa langit Ana nga dar-un.

Juan 14:3 Kag kon makahanda run gani ako kang lugar para kaninyo, magabalik ako rugya kag ibul-un ko kamo para mag-imaw kanakun agud to nga bisan diin ako rugto man kamo.

111 Makatiringala gid nga adlaw

6/8 F down

(Heaven came Down)

Makatiringala gid nga adlaw
Akun nga madumduman;
Ang kahimtangan nakun kauna;
Daw tama gid kadulum.
Kang masug-alaw nakun si Cristo,
Nakamarasmas ako,
Ang paraligban ko Ana ginhaw-as,
Kadya malipayun ako!

Kuro:

*Gugma kang Dios ginpahayag sa kros,
Akun sala Ana ginpatawad;
Kalipay nga bug-os akun dya nga naangkun
Pinasahi kato gid nga adlaw!*

Nami run akun nga kaangtanan
sa akun nga Ginoo;
Ana ako ginpakamatarung
tungud kang pagtoo ko;
Ang kabuhi nakun nagbalhin run
Kabubut-un Na sundon;
Ang handum ko: Tana mapahamuut,
Dayawun ang Anang Ngaran!

Pat-ud gid ang akun nga paglaum
Nga si Jesus makita,
Tana nagsaad ako amanan
Kang balay nga langitnun;
Gani magamatutum gid ako
Sa pag-alagad Kana
Samtang ako rugya sa kalibutan
Tuhtub sa Anang pagbalk!

112 Makatiringala si Cristo Jesus

3/4 D up

(He Hideth my Soul)

Makatiringala si Cristo Jesus!
Tana akun Manunubos;
Kabuhi ko Ana ginatipigan
Ana dya ginaamligan.

Kuro:

*Ang Dios amo gid ang atun darangpan,
Gani indi ta mapukan.
Ang Anang gugma indi matupungan,
Tana ang Dios nga gamhanan.
Tana ang Dios nga gamhanan.*

Makatiringala si Cristo Jesus
Gabulig kon may pag-antos
Nagapabakud kang tagipusuon
Para ako makapadayon.

Kon si Cristo Jesus magabalik run
Sa panganod sug-alawun;
Pagadayawun ta Tana sa langit
Tungud nga gugma Na himpit.

Hebreohanun 6:18 Amo dya ang darwa ka bagay nga ginhimo kang Dios: nagsaad tana kag nagpanumpa. Dya indi gid sarang magbalhin tungud hay ang Dios wara gid nagabutig. Gani kita nga nagadangup sa Dios may mabaskug nga baratyagun sa pagsarig nga tumanun na ang anang ginsaad kanatun.

113 Si Jesus lang atun masugidan

*3/4 up Eflat
(I Must tell Jesus)*

Si Jesus lang atun masugidan
Kang problema nga nagaabot;
Ana naman-an kaluyahun ta,
Tuman gugma Na kag pagtatap.

Kuro:

*Si Jesus lang atun masugidan
Wara ti liwan, Tana gid lang;
Si Jesus lang atun masugidan,
Tana atun mapautwasan.*

Si Jesus lang atun masugidan
Kang nagaluntad nga kagamo,
Mabinalak-un kag maluluy-on,
Tana matutum nga Ginoo.

Ang kalibutan nagapanghaylo
Kanatun nga magpakasala;
Si Jesus lamang ang makabulig
Nga madaug ta ang pagsulay.

114 Sa akun pagpamalandong

*6/8 up A flat
(In the garden)*

Sa akun pagpamalandong
kang gugma ni Jesus kanakun,
Pulong Na akun nga nabatian
Sa akun tagipusuon.

Kuro:

*Ang Ginoo ko kaimaw nakun,
Nami amun kaangtanan:
Daw ano gid ang kalipay nakun,
Indi gid dya mamitlang!*

Nami gid nga pamatian
Ang limug kang akun Ginoo;
Pulong Na ka dya gapanalupsup,
Sa dughan ko gapabilin.
(Balik sa Kuro)

Magapabilin gid ako
nga imaw nakun ang Ginoo;
Bisan nga dulum ginaagyan ko,
Pat-ud ko gid nga Tana dyan.
(balik sa kuro)

115 Ginatugyan Ko

*4/4 down D
(I Surrender All)*

Ginatugyan ko, kanimo, Dios,
ang akun kabuhi,
Ang handum nakun
Ikaw gid lang akun higugmaun.

Kuro:

*Ginatugyan ko, ginatugyan ko
Ang bug-os ko nga kabuhi ginatugyan ko.*

Gadangup ako Kanimo, Dios,
nga may pagpailub
Kang akun kabug-osan
sa imo gid nga presensya.

Imo gid ako likupan
kang gahum mo kag gugma;
Gusto ko nga maaguman
ang bugay mo kanakun.

Roma 12:1 Gani mga kabugtoan, tungud lang gid sa bugana nga kaluoy, nagapakitluoy ako kaninyo nga ihalad ninyo ang inyo mga kaogalingun bilang halad nga buhi, balaa , kag nahamut-an kang Dios. Amo dya ang igsakto nga pagsimba kana.

116 Ang istorya parte kay Cristo

^{3/4} up Eflat
(I will Sing the Wondrous Story)

Istorya parte kay Cristo
akun dya ikantahun:
Langit Ana ginbayaan
kag ginlansang dya sa kros.

Kuro:

*Ang istorya parte kay Cristo
akun dya ikantahun;
Kaimaw kang mga pinili,
rugto sa kalangitan.*

Kon ako malikupan man
kang mga kadudulman,
Ang akun nga Manluluwas
kaimaw sa gihapon.

Sa tion ako ibul-un
kang akun Manunuga;
Kag Ana ako idarhun
sa pihak nga kabuhi.

117 Ano Ibalus natun kay Cristo

^{4/4} up G
(I Wonder have I done my best for Jesus)

Ano bay ibablus natun kay Cristo
Tungud kang Ana nga gugma?
Sa kros sa kalbaryo Tana ginlansang
Para Ana kita nga itubson.
Ginsugid run bala natun si Cristo
Sa tawo nga nagapos sa sala?
Ano ang ibalus ta sa Ginoo,
Kang Ana nga paghigugma?

May kaluoy bala kita sa tawo
Nga nadulman pa kang sala?
Atun gid dya sanda nga isugidan
Kag buligan natun nga maluwas.

Duro ang inusik ta nga inoras,
Pira lang sa atun Dios?
Nagtahaw run ayhan atun nga gugma
kay Jesu-Cristo nga Ginoo ta?

118 Sa Pag-alagdan

4/4 C down

(Faith Yanson)

Sa pag-alagdan	atun masug-alaw
Ang kabudlayan	kag kapipit-an;
Magpadayon lamang,	di magkataka;
Ang Dios gatuytoy	kang atun tikang.

Kuro:

<i>Ang atun Ginoo</i>	<i>atun tuohan,</i>
<i>Tana atun bulig</i>	<i>nga masarigan;</i>
<i>Ihalad kana</i>	<i>ang kabug-osan</i>
<i>Sa atun kabuhi</i>	<i>pag- alagadun.</i>

Kon nagakaluya	Dios nagapapag-un,
Nagakatumba	Ana banganon;
Ana nga himun-an	ang kinawad-un,
Ang balatian	Ana nga aydun.

Kon ginakapoy run	pahuwayun Na
May kalisdanan	Ana lipayun
Anang kabubut-un	Atun tumanun
Sa pag-alagad	magmalipayun.

119 Kon magsarig Kita sa Atun nga Ginoo

(Kumpuso)

Daw ano karig-un ang atun pagtuo
Kon magsarig kita sa atun nga Ginoo;
Sa tanan nga oras magapangamuyo
Para magmapag-un, para magmapag-un
Kag indi matiung.

Mga kabugtoan, 'di ta paglipatan
Ang pagsarig sa Dios sa oras nga tanan
Kag sa kalalat-an 'di kita matiplang
Ang atun sarigan, ang atun sarigan
Ang Dios nga gamhanan

120 Tama gid ka subu kon atun Dumdumun

(kumpuso)

Tama gid ka subu kon atun dumdumun,
Duro nga katawhan ang masinupakun;
Andang ginpalabi ang kalibutanun,
Nagduro problema sa palibot natun.

Mga Cristohanun, indi magkahadluk,
Pagsabdung kang sala sa atun palibot;
Hay ang Ginoo ta ang nagapanghikot
kang tagipusuon para nga maglum-uk.

Gani ang simbahan indi kapabaya
Nga turukun lamang galuntad nga sala;
Ang Dios ta nagtawag nga kita maghulag
Para nga matapna tuman nga kagamo.

121 Pabilin nga Matutum

*^{3/4} up A flat
(May the Lord Find us Faithful)*

Ang Dios nagatugro kang kabakud ta,
Kag kaisug man kang baratyagun;
May handum kag gugma
magsugid kang Pulong Na
Sa tawo nga makasasala.

Kuro:

*Gani magmaukud gid
sa atun pag-alagad sa Dios,
Kag atun tinguhaun
mapalapnag ang Anang Pulong.*

Samtang nga dya kita sa kalibutan
Maaguman ta mga pag-antos;
Handa ang atun Dios sa pagbulig kanatun
Para indi ta malingkang.

Bisan nga sa tunga kang katalagman,
Ang Ginoo ta atun dumdumun;
'Di magpatumbaya, sarigan ta si Cristo,
Pabilin nga may katutum.

*Filipos 1:6 Kag napat-ud ko gid nga ang Dios nga amo
ang nag-umpisa ka pagpanghikot sa inyo mga kabuhi agud
makahimo kamo kang mayad nga butang nga dya amo man
ang magapadayon sa paghimpit ka dya tubtub sa Adlaw nga
magbalik liwan si Cristo Jesus.*

122 Tama Kanami nga Iristaran

*4/4 side C
(Mansion over the Hilltop)*

Bisan matawhay akun pangabuhi
Samtang ako dya pa sa kalibutan
Pero ang langit akun iristaran,
Tanan natukod sa bulawan.

Kuro:

*Rugto sa langit ang Dios nagaaman
Tama kanami nga iristaran!
Ana nga dalan puros gid dya bulawan,
Wara gadaan, indi maguba!*

Sa adlaw-adlaw duro masug-alaw
Sa pag-alagad nakun sa Ginoo;
Duro pag-antos kag mga katalagman,
Pero sa langit may katawhayan

123 Ginahalad Ko, Dios, Kanimo

*4/4 up F
(My Life, Lord, is Yours to Control)*

Ginahalad ko, Dios, kanimo
Bug-os gid nga kabuhi ko,
Kabubut-un ko ginatugyan
Sa imo nga kagamhanan.

Kuro:

*Ginoo, gamhan Mo ako,
Tumanun ko ang luyag Mo;
Tudloan sa pagpili kang himoon ko.
Sa tanan ko nga dalanun,
Imo gid ako toytoy;an;
Akun gid dya nga handum -
Malipay ikaw. **Kuda:** sa kabuhi ko*

Imo Pulong akun sarigan
Magmadrinarag-un ako;
Pag-atubang kaluyahun ko
Nga may tuman nga kapagsik.

124 Ulo Kag Liug

(Kumpuso)

Ulo kag liug,
Abaga kag hawak,
Hawak kag tuhod,
Tuhod kahig pa;
Kahig man kag tuhod,
Hawak kag abaga,
Liug kag ulo para sa Dios.
(*Liwan*)

125 Indi gid Matupungan si Cristo

4/4 up d flat
(*No One ever cared for me*)

Isugidan ko kamo parte kay Cristo,
Mabinalak-un Tana nga amigo!
Ang kabuhi ko Ana dya nga ginbag-o,
Kag Tana ‘gaparig-un pagtuo ko.

Kuro:

Indi gid matupungan si Cristo
Mahigugmaun nga Ginoo;
Ginhugasan Na tanan mga sala ko,
Ginpatawad Na ako.

Nadulman ako kauna kang sala ko,
Duro nga kasakitan naagum ko;
Pero kang makilala ko ang Ginoo,
Kalipay kag paglaum naangkun ko.

Adlaw-adlaw ‘gatuytoy Tana kanakun,
Pulong Na ‘gapabakud baratyagan;
Indi nakun matungkad ang Anang gugma,
Hasta nga madangat ko himaya Na.

126 Jesus, ako nagsaad

4/4 G up

(O Jesus, I have promised)

Jesus, ako nagsaad
Ikaw alagadun
Imaw ikaw kanakun,
Dios kag Agalun ko;
Indi ako mahadluk
sa akun kaaway,
I kaw akun kaimaw sa oras nga tanan.

Imo ako likupan
kang imo nga gahum;
Ang pagsulay raku gid
sa akun palibot;
Madaya ang kaaway
dya sa kalibutan;
O Dios, ako buligi
magmadinarag – un.

Jesus, ikaw nagsaad
sa imo nga Pulong
Nga rugto sa himaya
Imo ako darhun;
Jesus, ako nagsaad,
ikaw alagadun
Itugro ang bugay Mo
sa pag- alagad ko.

127 Magkalipay Kita

$\frac{3}{4}$ e flat down

(O Rejoice in the Lord)

Ang Ginoo, kon nagapanghikot
Sa kabuhi kang Anang mga tinuga;
Mayad ang Anang mga tinutuyo
Tuman gid ana nga gugma.

Kuro:

*Magkalipay kita sa pagsugata
Kang mga pagtiraw dya sa kalibutan
Ang Ginoo ta ang darangpan
Para kapadayon.*

Turuk gid lang sa kay Cristo Jesus,
Kag indi sa butang nga kalibutanun
Bisan daw bug-at atun ginapas-an
Dios atun pasalamatan.

Ang atun Dios wara nagatalang,
Ana gid naman-an atun ginaagyan;
Ana nahangpan atun baratyagun
Kag handa kita buligan.

128 **Ibantala ang Mayad nga Balita** *4/4 Aflat up (Send the Light)*

Ibantala ang Mayad nga Balita
sa mga katawhan;
Nga ang Manluluwas nagpakatawo
dya sa kalibutan.

Kuro:

*Ang tion natun himuslan ta
Nga mga Cristohanun;
Nga mangin sulo kabuhi ta
Sa mga nadulman pa.*

Mangamuyo ta nga ang bugay kang Dios
Magbugana pa gid;
Kag makita sa mga tumuluo
ang gugma ni Cristo.

Sa pag-alagad ta dapat may gugma
kag may pagpaubus;
Rugto sa langit ang Ginoo ta
gaaman kang padya.

129 **Kang si Cristo Ginbaton Ko**

4/4 up A
(Since Jesus Came into My Heart)

Katingalahan gid ang akun pagbag-o,
kang si Cristo ginbaton ko!
May kasanag run gid ang akun kabuhi,
Hay si Cristo ginbaton ko!

Kuro:

*Kang si Cristo ginbaton ko,
sa akun tagipusuon,
Bug-os nga kakunyag akun nabatyagan,
Kang si Cristo ginbaton ko!*

Ang Kabuhi nakun nagatalang-talang,
Hay gapos ako kang sala!
Pero naagum ko ang kapatawaran
Kang si Cristo ginbaton ko!

Pat-ud nga langit ang akun iristarang,
Hay si Cristo ginbaton ko!
Tuman gid kasadya akun nabatyagan
Kang si Cristo ginbaton ko!

2 Corinto 5: 17,18 Gani ang bisan sin-o nga may kaangtanan kay Cristo, bag-o run tana nga tinuga. Wara run ang anang daan nga pagkatawo, kag nagbag-o run ang tanan kana. Ang tanan nga dya ginhimo kang Dios, nga paagi kay Cristo mapanumbalik na ang atun relasyon kana...